



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 42. Robertus Imperator Constantinopolitanus.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII.

A. C. 1221.

Ric. S. Ger.

Hoc anno millesimo ducentesimo vigesimo primo ineunte, Fridericus Imperator in Apulia versabatur, unde in Siciliam delatus, complures Constitutiones Regno utiles edidit. Quia vero etiam de quibusdam Ecclesiis Cathedralibus suo arbitrio decrevit, Papa per literas conquestus est, in hunc modum: *Diu est, ex quo fama ad nos detulit, quod potestatem tuam ad electionem Episcoporum extendas, nominatim ad Ecclesiam Averfanam aliasque in provincia Salernitana vacantes. An funestum Antecessorum tuorum abusum revocare moliris, immemor, quod contrarium Innocentio Papæ tumque nobis jurejurando promiseris?* Hæc Epistola vigesima prima Augusti data.

§. XLII.

Robertus Imperator Constantinopolitanus.

Inter hæc Constantinopoli Robertus Cortenacensis Imperium consecutus fuerat. Cum Jolanda Imperatrix, Petro Imperatore Marito suo in vinculis detento Constantinopolim pervenisset, in lucem edidit filium, quem a propinquo sui nomine Balduinum amici appellarunt, atque anno millesimo ducentesimo decimo nono mater fatis functa est. *Pe-*

*du Cange
hist. C. P.
lib. 3.*

Chr. Antis.

trus vero decedens duos alios filios reli- Sacul. XIII.
 querat, sed absentes, quare ne Imperium A. C. 1221.
 Duce careret, usque dum Successor pos-
 sessionem arriperet, Optimatibus visum,
 Cononem Betuniensem Præfectum seu
 Vicarium Imperii eligere. Jus Regni
 competeat Philippo Cortenacensi, Co-
 miti Namurcensi, Petri Imperatoris fi-
 lio natu majori, quem Optimates, Le-
 gatione in Franciam adornata, ad coro-
 nam invitarunt; sed ille honorem onus-
 que a se removens, Robertum fratrem
 suum obtulit, qui cum Legatis, anno
 millesimo ducentesimo vigesimo exeun-
 te, iter ingressus est. Is hyeme in Hun-
 garia apud Andream Regem, qui ejus so-
 rorem Jolandam duxerat, transacta,
 postquam Constantinopolim pervenit,
 in Ecclesia S. Sophiæ, in Festo Annuncia-
 tionis, die vigesima quinta Martii, anno
 millesimo ducentesimo vigesimo primo,
 coronatus est a Patriarcha Mathæo Ger-
 vasi Successore. Is antea Episcopus Æ- 5. ep. 397.
 quiliensis in Longobardia, ad Sedem Pa-
 triarchalem Constantinopolim transla-
 tus, officio pastoralis haud digne profe-
 cto functus est.

Robertus Imperator Pacta Clerico-
 rum Romanæ, Dominica tertia Adventus,
 die decima quinta Decembris, anno
 millesimo ducentesimo decimo nono,
 cum Conone Betuniensi, haud diu post
 defun-

Sæcul. XIII. defuncto, inita, rata habuit. Cujus
 A. C. 1231. Transactionis, præsentè Cardinali Le-
 gato Joanne Columnio peractæ, præci-
 pua statuta erant sequentia: Clerici &
 viri Religiosi tam Latini quam Græci
 cum suis familiaribus, iisque, qui ad Ec-
 clesias confugiunt, ab omni Jurisdictione
 Laicorum exempti sint. Omnes Ec-
 clesiæ Cathedrales gaudeant rebus suis
 immobilibus, quas legitima possessione
 tenebant tempore Imperatoris Alexii,
 cognomento *Bambacorax*. Est is Ale-
 xius Comnenus ob vocem inamoenam
 ita dictus. Ecclesiæ his bonis libere ut-
 untur, exemptæ ab omni Jurisdictione
 Laicorum & ab omni exactione, exce-
 pta *crustica*, id est, Censu. De Deci-
 mis Feudorum singulares constitutiones
 conduntur, siue Feuda sint a Summo
 Principe, siue ab aliis Optimatibus con-
 cessa. De aliis bonis Latini totam deci-
 mam partem solvant, Græci vero so-
 lummodo partem trigesimam per decem
 annos, quibus elapsis, partem decimam
 pendunt, nisi Ecclesia Romana dispen-
 saverit. Videlicet Ecclesiæ Græcæ
 mos non erat Decimas dare. Hæc pa-
 cta a Roberto Imperatore mense Junio
 anno millesimo ducentesimo vigesimo
 primo confirmata sunt.

V. Cange.
 Glos. Cru-
 stica.